## 0.0.1 therasuttam

- **0.** sāvatthinidānam:
- 1. pañcahi bhikkhave dhammehi samannāgato thero bhikkhu bahujanāhitāya¹ paṭipanno hoti, bahujanāsukhāya² bahuno janassa anatthāya ahitāya dukkhāya devamanussānaṃ. katamehi pañcahi:
- 2. thero hoti rattaññū cirapabbajito. ñāto hoti yasas-sī gahaţţhapabbajitānaṃ³ bahujanaparivāro. lābhī hoti cīvarapiṇḍapātasenāsanagilānapaccayabhesajjaparikkhārānaṃ. bahussuto hoti sutadharo sutasannica-yo, ye te dhammā ādikalyāṇā majjhekalyāṇā pariyosānakalyāṇā sātthā savyañjanā kevalaparipuṇṇaṃ parisuddhaṃ brahmacariyaṃ abhivadanti, tathārūpāssa dhammā bahussutā honti dhatā vacasā paricitā manasānupekkhitā diţţhiyā appaţividdhā⁴. micchādiţţhiko hoti viparītadassano.
- 3. so bahujanam saddhammā vuţţhāpetvā asaddhamme patiţţhāpeti. thero bhikkhu rattaññū cirapabbajitotipissa diţţhānugatim āpajjanti. ñāto thero bhikkhu

¹bahujana ahitāya (machasaṃ)

<sup>&</sup>lt;sup>2</sup>bahujana asukhāya (machasam)

<sup>&</sup>lt;sup>3</sup>sagahaṭṭhapabbajitānaṃ (machasaṃ)

<sup>&</sup>lt;sup>4</sup>using machasam reading, appaṭividdhā, to avoid contradiction with the sentence that follows

yasassī gahaţţhapabbajitānam. bahujanaparivārotipissa<sup>5</sup> diţţhānugatim āpajjanti. lābhī thero bhikkhu cīvarapindapātasenāsanagilānapaccayabhesajjaparikkhārānantipissa diţţhānugatim āpajjanti. bahussuto thero bhikkhu sutadharo sutasannicayotipissa diţţhānugatim āpajjanti.

- **4.** imehi kho bhikkhave pañcahi dhammehi samannāgato thero bhikkhu bahujanāhitāya paṭipanno hoti bahujanāsukhāya bahuno janassa anatthāya ahitāya dukkhāya devamanussānanti<sup>6</sup>.
- 5. pañcahi bhikkhave dhammehi samannāgato thero bhikkhu bahujanahitāya paṭipanno hoti bahujanasukhāya bahuno janassa atthāya hitāya sukhāya devamanussānam. katamehi pañcahi:
- 6. thero hoti rattaññū cirapabbajito. ñāto hoti yasas-sī gahaţţhapabbajitānam bahujanaparivāro. lābhī hoti cīvarapiṇḍapātasenāsanagilānapaccayabhesajjaparikkhārānam. bahussuto hoti sutadharo sutasannica-yo, ye te dhammā ādikalyāṇā majjhekalyāṇā pariyosānakalyāṇā sātthā savyañjanā kevalaparipuṇṇaṃ parisuddhaṃ brahmacariyaṃ abhivadanti, tathārūpāssa

<sup>6</sup>devamanussānam machasam

<sup>&</sup>lt;sup>5</sup>itipissa (machasaṃ)

bjt 184 x 184

 $<sup>^7</sup>$ sagahaṭṭhapabbajitānaṃ machasaṃ

<sup>&</sup>lt;sup>8</sup>sāttham savyañjanam machasam

dhammā bahussutā honti, dhatā<sup>9</sup> vacasā paricitā manasānupekkhitā diţṭhiyā suppaṭividdhā. sammādiṭṭhiko hoti aviparītadassano.

- 7. so bahujanam asaddhammā vuţţhāpetvā saddhamme patiţţhāpeti. thero bhikkhu rattaññū cirapabbajitotipissa¹¹¹ diţţhānugatim āpajjanti. ñāto thero bhikkhu yasassī gahaţţhapabbajitānam bahujanaparivārotipissa diţţhānugatim āpajjanti. lābhī thero bhikkhu bahujanahitāya paṭipanno hoti bahujanasukhāya bahuno janassa atthāya hitāya sukhāya devamanussānam bahussuto thero bhikkhu sutadharo sutasannicayotipissa diţţhānugatim āpajjanti.
- 8. imehi kho bhikkhave pañcahi dhammehi samannāgato thero bhikkhu bahujanahitāya paṭipanno hoti bahujanasukhāya bahuno janassa atthāya hitāya sukhāya devamanussānanti.

<sup>&</sup>lt;sup>9</sup>dhātā machasaṃ

<sup>&</sup>lt;sup>10</sup>iti pissa machasam pts 116 q 116